

山陽遺稿 詩 六

柳田文庫

文庫11

A1155

6



文庫 11
A1155
6

柳田泉文庫

未得故人來。先見故人子。揖進突而弁。溫肅已可喜。披袖
出新文。璀璨拭目視。疎快有父風。寧可搖吾嘴。老泉生驥
由。叔黨更後起。一家出西僻。鍾此天下美。勉旃不墜聲。小
成何足恃。鴛鴦亦父執。勿笑徒馬齒。呼杯餞汝行。欄前暮
山紫。

七日溥卿至

碭陽分手十三年。今日相逢亦瞥然。嚴隊抽身真不易。可
能小住共舫船。

歸家強哉至

出遊歸來已黃昏。喜得剝啄恰到門。醉伴已散更得君呼

山房遺稿卷五

妻更為溫餘尊今日尋花花盡落家有一餅猶殘

兩窻與細香話別

離堂短燭且留歡歸路新况當待乾隔岸峰巒雲纒歛鄰
樓絲肉夜將闌今春有閨客猶滯宿雨無情花已殘此去
濃州非遠道老來轉覺數逢難

送觀牛師東行

京國花稀綠樹稠薰風飛錫又東遊道人非是思歸客聞
盡杜鵑出信州

聞杏翁休官贈以磁杯頗大者

報國心長短髮凋抽身宦海自今朝猶餘磊魄滿胸赤把

個滾杯時一澆

貽星岳梅子

黃梅墜地不酸牙拾寄書窓看奈何花下曾謀卜鄰計因
循已是半年過

詠史絕句十五首

絕海窮兵難結局掀天大戰有餘威戈頭已拭雞林血枉
向靖州再一揮

橫槊英風獨此公肉生髀裏斂軍鋒中原若未收雲雨河
北渾歸獨眼龍

北門鎖鑰本同儔六尺嬰孩任大憂保黃不持分陝柄燕

封卻自冠羣族
辰分樹國最稱強何料東風降懺颺猶得開門為節受當
初一劍有餘光

曾捐大鎮壓羣雄自壞長城誰誤公當日花根占豐土林
將作惡罵春風

郎君握手語嘔嘔憎殺家奴坐在輿卻為渠儂供敵餌惜
君一死意何如

碧蹄館下羽書馳敵勢如潮獨力支萬死兵機立談決誰
論華押字成遲

馬鏡滅血踴奴肩含恥回鑣尚憤然誰料玉冰終釋憾千

春共戴太平天

過江誰怪楚鋒銛任將曾知黥布堪項斃歸劉非負項兒
孫長得有淮南

隔離兒女死生關際會風雲向背閒一條笠繫八行字傳
得海南千里山

一擲乾坤孤注難誰知老手咲傍看臣門如市心如冰此
腳寧堪跨馬鞍

當日使鷹資搏擊它年縛虎禁騰奔檻車彭越免菹醢未
是漢家真少恩

在止兒啼喚夜叉威靈無補子孫家誰言長物唯長鬢壓

海高城畫足蛇

鷹師革面即元臣運策惟中獨絕倫羅網故縱狡兔活孰
為功狗孰功人

曾參飛鷁翱翔處早附冥鵬羽翼間強幹弱枝謀數獻自
家卻在一枝班

庚寅六月省母氏病西下會赤闕廣江生來未數日
而別

十七年間君再來君來吾往每參差平生魚雁無稀闊卻
向天涯作別離

姬路投馬場元華

行滕連日躡炎沙到得君家如到家呼僕灌泉呼婢浴臥
看涼月在簷牙

自室津舟行

沙鷗猶戀舊江灣廿歲捺洋數往還幾處粉墻三備地半
空黛色四列山客愁帆影擗聲裏鄉夢鴉啼小浴間早勉
短蓬維故岸相迎一咲粲慈顏

望五劍山有懷故柴栗山先生

南望讚岐州遙指五劍山山峰如列劍峭立衆嶺端正襟
遙拜之非山思其人柴公吾父孰實產出其間應運振顏
俗天意秀氣攢吾少瞻其貌有似此孱顏雖非甚魁梧自

山陽遺集卷五
拔羣賢班談論旋鋒鏑文辭瘴不寒顧吾謂可教朽木庶
雕刻當時貪嬉樂悔不屢往還前輩日已遠從誰鞭駑頑
典刑今安在山容獨噴坑

舟中短歌

聞不礙愁拔礙喜數問朝來行幾里平生上舟即仰眠此
行嘖嘖何乃爾母病在蓐兒在船船行如卻意獨前浮烟
落日帆欵處遙指藝州阿那邊

舍舟上陸過兎島有懷備後三郎

買舟室津口風潮違我卜三泊及備前決計終上陸備海
所彎入地勢南屈曲隔水認熊山蒼翠層又復憶昔三郎

氏勤王舉其族一唱奪輿謀兩建防賊策句踐無克終范
蠡志數路昨過彌陀驛乃父事在目家世傳忠義寧讓掃
與菊消鼻墨可磨當時唯君獨備國三換主芳臭形榮辱
忠孝無古今才學夙尸祝經過桑梓地何邊認舊宅欲起
英魂問平生何所讀

君達從至笠岡其鄉也使之留而余獨西

省母歸心吾直往逢兄情話汝須留終然一片相扶意隨
我依依到藝州

至竹原與兼甫同舟赴廣島

來路遙遙指海暎心期明日見慈尊朝煙漸散波如織柔

櫓搖過貓子門

舟過暗門志喜示同舟兼甫從弟

吾數過暗門。此行審其形。瀨山抱海陸。曲為藝東屏。誰鑿
斷其尾。昔守姓曰平。當日排山力。斧鉞驅萬丁。至今賴其
利。船運通捷程。有事守喉咽。可扼敵船行。嬴政絕地脈。漢
唐滅戍兵。揚廣穿汴水。漕粟資宋明。暴人自費力。如為後
代成。壯哉父母國。便安誰得爭。省親數由此。潮應如瓶傾。
鄉扮已在眼。作詩紀我情。

杏文人招飲

聞君賜宅傍川成。呼我開尊遣艇迎。數畝菜蔬如在野。一

堤篁竹自連城。退休猶享傳家祿。著作還伸報國情。小阮
省親新弛擔。不辭侍飲剪燈明。吾聞天與多三昧。試去蘇
與丈人同舟維。于誰下小飲。翠揚根露繫。輪輸佐酒青梅與。紫蘇對酌一瓢人。不識波
紋細細上眉鬚。

源廷尉收弓波上圖

弓力誰朝扎不穿。南軍落鼓膽先寒。聞收偃月波間影。挂
向身邊萬衆看。

聞京師地震賦此遣悶

郵便得京報。變故昔未有。今月初二日。地震申至。丑。繼聞

七晝夜連撼地欲剖額天沸啼哭十室壞八九提家席通
衢屋瓦墜左右吾家無隻字東望十搔首遙想鴨屋屋稗
子依弱婦相牽避沙中又怕無居守石岸應盡頽唯餘露
根柳灘滾沙渚遠不知能逃走大兒能厲揭小兒付婢負
覆巢得全卵拮据堵其母虛任一家憂向汝覺顏厚為書
付急遞待報旬餘久存沒未可知茫茫曷向扣災後被黔
黎豈可論誰某側聞北闕事如星入南斗垂拱萬不與謹
怒一還受螻螻敢訴患具瞻可額手坂城及餘震江門定
安否雜價常暴騰喁喁億萬口吾聞天明災三都相先後
信岳震且崩饑民起相蹂天數有周復下土誰任咎仰看
雲北奔海雨隴吟吼耿耿托人心長歌強拊缶

題畫孔雀

自顧鱗鱗金翠衣放來猶帶舊恩輝文章圖報豈無所抵
合海雲濛處飛

發廣鳴

兒送自厓返命舟猶未發返至槁頭望舟燈應明滅

翌曉作

別母猶夢母分明侍膝前醒來知那處篷底獨為眠

東上道中獲疾作此遣悶

往時衝暑氣三旬患瘟疫還時侵秋冷病痢忽復劇念親

又念家奔走窮晨夕。母親雖就安。妻兒還遇乞。誰向九回腸。更刺萬枝戟。中迫勢惶急。邊警頻傳檄。出難無下意。大軍臨隘院。已無僮奴扶。寧有醫藥獲。十里九停輜。臥背不帖席。每被驛丁罵。時遭店媪戚。孤身况衰老。艱苦備嘗歷。溝壑士所期。境地有順逆。患難大如山。處之要安適。區區曷足言。何必屢頓蹙。堅坐別寒燈。殘光猶盈尺。

到家

震後歸京城。伏水變泊所。收絳上淀橋。傲輿徑烏羽。道路裂有痕。綠旋賴明炬。炬光中窺者。人家壞未補。墜瓦堆成邱。傾壁纔撐柱。街陌整如故。到家方四鼓。屋矮敗不堪。依然瞻衡宇。家中防盜賊。間語堅關戶。山妻面帶瘰。呼兒起拜父。力疾奔千里。需為欲見汝。遇震時何如。將荅色先沮。婢僕進攬說。挑燈談無序。墻屋粗復舊。米薪憂萬緒。置是且溫酒。生存喜幾許。

憶母二首

既見妻見面。回頭憶阿孃。阿孃難可見。江海頓茫茫。秋風吹吾冷。還吹木葉飛。吹到故園樹。莫侵慈母衣。

到家後書適

炎沙沒腳。鞋穿困眼。唯依笠影圓。回首行程如隔世。木樨香裏擁衾眠。

憶昨盆蘭孕玉芽。香苞未拆已離家。渠儂亦恨無人賞。待我歸來重著花。

新歸飲酒

吾家皆無恙。吾栢亦依然。吾蘭華再發。吾桂香未殘。相共待吾歸。何以賀平安。呼婦開吾酒。久藏無點酸。醉吟柳蘭桂。欣欣並怡顏。

觀藏畫示在塾黃江大聲

明盛茂燁字興華石湖暮色圖

曾弄興華暮色圖。老嫌暈墨苦模糊。今朝挂得晴窗側。呼汝雲烟許有無。

盆蘭含露吐芳股。壁畫映明看深濡。一日晴窗清福足。當

分軟半與君俱。

題竹洞春琴與余合作山水

施皴容易設枝難。容石貌頑磊砢胸中存粉本。諸君為樹我為山。

題竹洞倪法寒林圖

欲擬倪迂果若何。未須折帶作陂陀。知君惜墨如金處。不待傍觀喚亦過。

重陽

日暖霜乾未舉卮。大樽磊落到門遲。回頭欲罵東籬菊。汝有何忙放一枝。

丹人約贈酒未至

題報夷人圖

懸崖雪採黑熊膽。絕海冰爨臘肉齊。千鳴侏離歸版籍。桑
弧鍊戟是鋤犁。

古賀溥卿為其藩侯索吾畫寄以絹一幅書此辭之
磊砢橫胸不自持。吐為狂墨濕淋漓。此心應有故人識。敢
向奚門喚畫師。

曾謝橫經弄翰儒。寧將餘技待觀娛。懷中畫本猶堪獻。仿
佛函風七月圖。

題新著通議後七首

傍觀時議添蛇足。熟識宦途編虎鬚。卻有世情灰不盡。著
書猶欲擬潛夫。

肉食謀存誰置評。自嘲多事老書生。一窗風雪妻兒臥。奮
筆燈前紙有聲。

陳編儘許口縱橫。敢趁諸公贊太平。未必語言當菽粟。且
憑筆墨鬪蛟鯨。

藝苑鴻文錯典墳。儒林閱議媿河汾。吾無周禮橫胸裡。直
據肝腸寫示君。

敬輿駢體合流動。和仲分篇見貫穿。跛鼈自知千里隔。學
文亦似上青天。

洪流日夜淺成濶。未缺金甌自古今。策漢過秦同一意。無

人識得賈生心
半生歲月酒中消
落魄耽詩鬢欲凋
小杜唯留二論在
豈無身後李文饒

雲山乞詩

雲叟耳聾心不聾
清音寫得筆端聰
紛紛毀譽如蟾沸
不到經營慘澹中

詠大江廣元

朝局久持入後筵
幕中來運食前籌
連雲瑞穗消兵氣
誰料陰分一半秋

喜獲貓

嗷嗷有聲燭則無
一寢十起欲何如
殷勤憑君索狸奴
送致俊物喜有餘
遍體斑文好牙鬚
命名當喚小於菟
必辨我賊隨指呼
已覺群黠絕睚眦
戒兒勿輕狎
玩渠渠能先汝護爺書

蝦夷錦歌為筑後佐田修平作

紫鳳蹴濤天吳躍
一丈團窠雲五色
織以冰蠶寫海嶽
正視則赤側視碧
曰蝦夷錦或曰非
北狄所製互市獲
豈無海賈遞鬻來
親獲夷疆事大奇
南筑有人學於武
衰足更究東北夷
還逢松藩大閱日
縱觀屬駝弧
箭隨旛旗揮毫
幕中拜此賜
匹如宮袍被姓李
囊攜萬里獻尊親
寧同畫

旋誇富貴君不見海徼無復警風魚投筆誰敢事戎車卻
把翰墨博遠物較其績藻果何如願君成才拔常品經文
緯武兩研審成其可用如布帛不唯可觀如此錦否則能
諳夷狄情狀資邊防如此錦盡寫水族怪詭無遁藏
與登登菴舊社夜坐

故人難再遇猶見故人徒舉此三杯酒聊同半夕娛天寒
水聲苦夜久燭光孤庭樹知霜重啞啞起宿鳥

詠山中鹿介

存孤杵臼何忘趙乞救包胥暫託秦嶽嶽驍名誰喚鹿虎
狼世界見麒麟

詠僧文覺

斬卻袈裟卽佛緣風情法力孰超群鬪髻在袖施何咒掣
得獐龍俄起雲

君彛來訪二首

山紫雪亦紫此語君始道君來隔八年恰逢山雪好玻璃
含寒日影向杯中倒得不同微醺忍寒側我帽

掃榻留君宿永夜同燈燭君坐讀我詩我臥眠還覺衰情
猶故吾煩君細評駁瓶中水僊花夜久亦吐萼

除夕君彛來同守歲

當我相思夕知君來宿心孤燈歲共守兩鬢霜同侵鄉土

粉榆遠京城鐘漏淡較存慈母在關意信浮沈

山陽遺稿卷之五 畢

山陽遺稿卷之六

賴襄滕子成著

辛卯

獻日野公楫二種

折得檀香凝玉脂自然富貴亦天姿唯嫌不類野人獻故

副村梅花一枝

月瀨梅花之勝耳之久矣今茲糾諸友往觀得六絕

句

東風料峭雨絲斜泥滿芒鞋一路賒誰引老夫來喫苦直
將戟手罵棋花

山陰遊集卷之六
棋花於我底因緣屋已與渠棲半分泚水船岡看未足更
穿山跡萬重雲
傍水環村幾簇棋高低相映盡花開吾穿此雪肌何粟出
雪翻然入雪來
兩山相蹙一溪明路斷游人呼渡行水與梅花爭隙地倒
涵萬玉影斜橫
萬樹梅圍溪水長芳山寧敢擅春芳東風一樣晴雲白孰
與此中雲有香
帶將清氣卻歸家在眼溪山玉絕瑕非觀和州香世界此
生何可說梅花

訪雪堂老人幽居

依稀春月在梅花影壓柴門橫且斜喜得幽人未眠去風
聲定處認琵琶

夜過信侯信侯為我演平語壇浦一齣

茫茫鯨海葬纓簪到耳琵琶意淺淡赤馬紫冥曾歷處四
絃喚起十年心

看花知恩院適逢君夷來

花看意中花友逢意外友休言是意外吾心待汝久曾違
尋芳約半春罵滿口能來及此時一笑同我酒不愁看核
芝有客辨旨有日落花逾明怯聞華鯨吼燈火亂月明躡

街相先後嵐峽更有花再遊當攜手

同君夷再遊嵐峽

嵐山不必賞一遊已云多問吾何再往如吾友來何又躅
昨由路攜手卅里多呼杯解倦疲得句借礮磨半山成嫩
綠幾樹尚殘葩此花可歲看此友寧錯過

又

吹老東風又放晴欲遊嵐峽再離城有花固可無花可唯
喜與君攜手行

仁和寺看櫻花

脫屣當年意正滋仁和仰認舊花林白櫻爛漫不成子辜

負東風培植心

送君夷赴浪華

一支港水厓空刀野菜香中樸短篙昨共看花知那處半
山斜照塔梢高

讀王荆公傳

翰著韓王記魯論半生誤讀偽周官中書十歲曾騎虎何
若鍾山驢背安

青苗魚肉兩河兵白雪龍衣五國城誰把興衰付天數幸
然洛水杜鵑聲

喜協至

風吹號帶指江門，要汝夷庚共一尊。
了役棲遲異勞逸，天涯相見亦君恩。

別協後一日

昨向湖橋分手旋，驛程屈指到何邊。
連晴知汝行無滯，欲起輿窻親岳蓮。

依杏翁韻送協

京畿扶老記童年，祇役如今侍講筵。
履單衣迎夏日，官程葺食趁晨煙。
卅齡成學國恩在，兩世投經家法傳。
公退預知多暇日，閑門邸舍讀夷堅。

金閣

狼狽誰料竟生靈，想見牙鬚張猛威。
銀閣何如金閣熱，併容南北日光輝。

銀閣

大樹蕭蕭秋帶風，無如猿犬各稱雄。
獨有玲瓏數拳石，從君建置小園中。

畫免

擣藥紙當在廣寒，拔毛何事向塵寰。
幾人因汝結冤業，綺語長留天地間。

原梅坡寄詩卷求評卷尾有茶山翁詩依韻書

祇役親親相背行，參差六歲太忙生。
遲還詩卷君休怪，閱

此猶為聚首情

送雲華師之讚

梅斲雲青八粟峰錫飛波白一帆風遙知維纜松城岸先
問能詩漆谷翁

松

幾年養就老龍鱗
深壑時為龍一吟
免得庸工加刻削
萬層雪底歲寒心

懸厓雙清圖

懸厓無土猶能活
苦節有羽堪盍簪
唯許仰看何許折
世入何識兩冰心

書懷

鴨水瀑溪月在林
病來節候忽侵尋
蟲聲繞屋知秋及
樹影升階覺夜深
著作無人堪託意
家鄉有母每關心
茫茫身世憑誰計
悄倚殘燈伴獨吟

每一作獨
吟獨一作永

書徐侯齋集後

父書猶見淚痕斑
且寫憂心筆研間
一步出門無淨土
尺縑自寫舊江山

題瀟湘圖

清波掩映萬篔簹
浙瀝秋聲遠益長
寄跡紅塵寸金地
空從尺幅見瀟湘

蘭

國香徒自惜，知已逢豈易。幽谷風露清，明月光相媚。寧能與蕭艾爭，彼尺寸地。

中秋元瑞至得蒸

煙消大月出，峰稜恰有吟。朔命瘦藤如此，中秋須有句。檢書不復就紅燈。

寶甫至

兩鞋蹋破百峰青，抵階洗腳識君聲。路過大湖獲湖魚，出籃細鱗吾眼明。四年不逢知我老，一咲依然見君好。溫我酒，贈君魚，朱肪堆盤截紅珠，袖中更出新詩草。佐酒又堪

當漢書

題月峰父子合作山水

庭闈弄墨足承歡，兒作林叢爺作山。要使老毫無蹙滯，故低樹杪受孱顏。

杏堂墨竹情，余補石樗生囑也。

佛頭著糞昔曾聞，頑石今埃碧玉根。清貌醜姿同墨派，洒將殘審為招魂。

辛卯九月十六日，西省發程舟下漢水，示同行白石士德、士德、唯一弟留在京師。

汝向天涯別第去，吾將鄉裡省親行。洗杯漢水姑同醉，忘

卻悲歡此際情

到浪華會小竹赴淡

人聲燈影浪華磯。吾舍舟時君解維。瞥爾相逢便為別。閒雲西去鶴南飛。

用承弼韻

秋風客鬢倍霜新。又理行裝出軟塵。鞋鞮仍奔千里路。家鄉須省七旬親。山川已厭經陳迹。往反唯娛訪故人。未見慈顏姑小住。不妨談笑酒沾脣。

淡山歌

淡山於我何有情。華城伴送赤石城。城東旗店例為醉。淡山對面喚欲應。喚山同醉山不答。自此分背終離別。吾時上高一回頭。山猶依依遙相揖。笑吾此行還幾時。知汝一笑先展眉。廿年京攝多交友。久要似汝果阿誰。

舞妓灣

松翠沙明數戶村。鮮鱗上店佐匏尊。每過一醉終成例。不記泥鴻第幾痕。

途上感懷二首

儼丁每怕妨農收。夾路甌窰正滿篝。數處忙驅籃輦過。晒時苦戒草鞋蹂。糴騰陸奧古無例。禾獲山陽今有秋。整緝敢言初減血。儒餐自此可無憂。

潢池消息首堪搔西望秋風弄怒濤廊廡何人勞肝食度
支有吏析秋毫誰驅赤子俄離乳各鬻黃牛競佩刀瑤沼
原謀樂王母救饑不月餉蟠桃

又

山榴紅玉顆野菊鬱金香節物羈心動晴暄農穫北稼雲
連播備兵氣獨防長善相思封事何邊二萬鄉

過廉塾先生嘗寄余詩微次韻余未果而先生逝矣

今而次之

辦香蕙帳意何如五歲流年不暫居垂老未能酬厚誼微
勞纔得校遺書在心舊雨綠尊處回首斜陽黃葉廬歸省

從今知幾度祇應沿例駐征車

到竹原會杏翁在焉同集龍山精舍壁挂乙丑歲諸

老舊題字分為韻余得年

曾記褰鞞侍酒邊自知綠鬢亦皤然傷心諸老今凋落題

墨依稀廿七年

褰字史記滑稽傳注音卷謂叔袖也離騷注障謂之帷囊也說文亦釋褰為囊並音

浪跡回頭已廿年重逢大阮竹林邊一杯并飲鄉山綠洗

得紅塵暫洒然

到廣鳴

鄉粉已在眼潮退舟膠沙。就艇趁昏黑。如歸心急何家江

熟知繫舟渚。暗中豫指近家處。丁寧舟子力搖櫓。欲及阿
孃未眠去。

從竹原航赴廣洲。附載輸稅船。逼促殊甚。終夜不能
寐。賦此遣悶。得十六韻。

吾行屬秋穫。利涉附租艘。鱗鱗滿艙載。堆壘幾百苞。缺處
擁衾睡。曲身弓在弦。新礮異陳腐。嫩香襲巾裯。身非大倉
鼠。穀裏託窠巢。恨無牙穿此。縱橫恣老饕。唯覺環逼我。壓
頭還蹙眉。自念吾何罪。以穀為獄牢。五種不分辯。四體廢
勤勞。更嘆其精液。淋漓動醪陶。詎知耕耘苦。粒粒積血膏。
合翁有所欠。鞭笞期煎熬。治亂繫豐耗。價直候低高。此中
雖跼脊。何敢為砮砮。常視在瓶缶。酸寒同老陶。億萬玉粒
堆。暫擁足自豪。

謁延元陵詩

千株萬株花如雪。中有一邱轟翠樾。松邪柏邪錯杉檜。蟠
根互護天龍骨。樵蘇相戒不敢觸。觸則風怒雲攖山欲裂。
可惜威靈尚如此。當時不能殄蛇豕。遊人不知何帝陵。玉
魚光闕落花裡。吾雖螻螻亦王臣。曾私帶淚修前史。芻蕘
敢欲慰帝魄。陳詞陵前獨拜跪。維昔天潢弄狡童。天之曆
數在君躬。厲精誓雪列聖恥。此心上可質蒼穹。人神均敵
王所胤。頽日回輪紅再中。大政豈盡乖處置。再造傾廈本

難事。唯使君操心常如元弘初。不憂邦有百足利。顧命按劍語空雄。一杯長埋萬禩志。雖然五十年閒萬生靈。為誰膏鋒尸縱橫。臣正成死君在時。心已明。臣義貞。懷君遺詔亦結纓。此輩忠肝繫繫及孫仍。盡為君王死。不與賊共戴天生。天定賊巢亦終覆。死骨饒犬犬不食。天家依舊傳日嗣。自祖宗視無南北。中興偉舉警百世。陰制姦雄不肆毒。噫嘻君王可瞑目。余嘗再謁。欲作詩敘私感。而未果。今而追作以補缺。昔父執竹山翁嘗作此詩。傳誦士林。茶山翁作芳山歌。語語避雷同。襄也。後生。卻不敢避。蓋同處有異。讀者必諒其非勤也。

觀等持院室町氏歷世肖像引

一家將軍十五世。逐世留像知成例。寺僧猶記大檀那。林

列龕房謹啓。閑吾曾刪史。詳乃家。觀影擬證左右契。仁山想具英雄骨。長面緩頰疑庸劣。瞞人正憑癡與黠。狼生豚犬犬生虎。眼垂魚尾豐頰輔。足見盈滿奄父祖。猜忍溢顏知普光。應寫養髮髮已長。次列髻童見薄福。墮馬未必由冤魄。又次丈丈何雄偉。卻是東山茶博士。曾把碗匙換弓箭。海內真如鼎沸起。嗚呼自古不可貌取人。况乃隆替由於心。悅使祖孫易位設。興家敗家錯認真。偽定一時已九死。持逆犯順事倍難。奈何子孫生則逸。自謂在胎已將軍。一薨糜費六十萬。將怨歸臣。十個木偶亦金鏡。歷世歷往事烟萬春。五葉么麼何足錄。還將虛器鬪骨肉。歷世

積惡酬汝曹。家宰陪奴皆作賊。身且不保像何有。可憐猶得列其側。此亦欲作而未果者。中間歷叙處。頗用一韻。此換五次耳。

觀嚴鳴神庫詩并序

辛卯孟冬十八日。奉母詣嚴鳴。因祠官佐伯子幹。得觀神庫所藏古物。遂命舟同醉歸館。次第二十八韻。以紀即日之事。且以謝子幹。

宙宇駕鼇頭。玲瓏疑乾闥。神庫依絕境。秘藏千古物。海龍所呵護。相戒慎鑰鑰。世守吾所知。黃緣恣覽閱。蕊經平族寫。繭紙字楷栗。晶軸金籤題。銅函卷弄八。標驛錯繪圖。隱謎難辨詰。驕汰均兒女。佞媚憑神佛。威權消雪冰。痕迹存

墨筆。平族所納法華經。每卷痛哉。養和帝。綉衣蜀錦纈。託引首畫。所謂蘆手書者。

胎狼虎家。葬骨蛟鼉窟。獨欽小松公。輕甲遺浴鐵。應還待

賢門。免受壇浦蟻。有內府遺甲。世代遞遷移。芳臭駢陳列。蓋在時所納。

仁山納寶刀。桐菊飾其室。憶獲廢皇詔。錦旗遂犯闕。足利尊氏

至此地。得光嚴詔。乃樹錦旗。東犯。阿隆獻犀鎧。綠綰綴玄札。何知賊刃刺。

空恃防身密。大內比所獻甲。更見劍雌雄。鑄具鞞鞞秘。劍最鮮明工緻。

首認徽號。三玉冒畫一。江公斃賊時。或淬鯨鯢血。義舉神

所右。赫赫如前日。毛利元就雙劍。克陶賊時獻以賽神。最後一長刀。獻者諱

秀吉。一揮掃蜻蛉。再揮指溟渤。鷁首繫窟廊。默禱吞日沒。

大閤佩刀。伐韓時所納。人事變雲煙。神山長截薛。大息辭寒階。命舟

緣岸越。同醉談今古。夕陽金尊凸。

奉母游嚴鳴聞余生甫二歲二親挈之省大父遂詣

此

幾回歸覲在江城仙鳴唯看黛色橫松漏朝暉沙半濕維

舟今日掖親行

抱我爺娘下海船當時襁負拜龕前白頭母子重來詣存

沒茫茫五十年

承緒東役不在題其齋壁二首

劍書官邸遠霜雪故園潑子役勞君事言歸慰母心談依

東路信酒向北堂斟剝栗還煨芋盤殮弱婦任

看家留大姪學語長童孫卸擔方虛室安眠信故園書經

見父澤餐飯思君恩眼看舊栽樹風驚黃葉繁

別母

強舍行杯拜訣還寧能仰視阿娘顏萬端心緒憑誰語付

與潮聲櫓響聞

舟發廣鳴抵尾路三首

同舟有宮原士淵尾路入

客恨憑帆影鄉心寄櫓聲落日粉榆隔遙山讚豫橫漁村

相國塔海樹金吾城幾度勞來往何知白髮生

呼漁鱗鬣活趁泊柁檣齊餐熟岸潮落酒醒窻日西飄零

羞婦子利濟念黔黎聞得鄰船語三津米價低

帆力潮爭勝船頭山亂過五行不寂寞汝在同吟哦書卷
囊繙碧匏尊面共配方知近家喜奈遠我鄉何

戲作三絃詞并序

李竹懶、蔣心餘皆有^三絃歌曲盡聲狀無復可措手
但游戲題目有似貴詞又嫌多駢語余今用短用散
雖拙亦或換面辛卯仲冬七日在元吉別莊出家姬
佐酒縱談及此元吉欲我作一歌即夜酒罷不寐就
枕頭成之

誰把琵琶斷一絃纖指擷處皆琴徽春夢將驚夢中語打
起黃鶯帶聲飛織女急梭天機窄鮫人彈淚海珠落銜枚

唯聞鐵相觸萬戈鬪亂沙無跡絲肉既離尋別緒恰如曉
風滴殘雨記得江樓燈冷酒醒處不辨肉聲聞絲語

胡弓詞

弦挂^三絃^三是何弓弓代象撥生別腔文姬瑟觸胡馬尾不
在十八拍調中是絲如竹又如肉玉匙頭蹙紫檀腹蟬在
手中悶猶嘶春蚓出蛰聲透泥絃撥相避互有情嘔軋欲
奪歌喉傾誰知阿瞞持弓或右手左撚羽箭作鷓鴣蘇詩
別駕眼如電左手挂弓橫
然箭明皇像有如此者云

三石感懷作抑律

泥乾阪路尚陰氛忍凍輿中手欲戰北風吹雨還成雪朝

日穿煙不作雲地形扼塞山陽道兵勢分明建武軍誰知
忠孝關入意到眼熊峰淚汝泣

路上書懷

牽裾叩馬姓名馨肉食誰傳舊典刑奕葉東風胡蝶夢山
河如此付螟蛉

播州路上

轎簾掀不已裘被護風寒月讓霜鋪地霞攬日出山丁夫
憐白首叩飲共酹顏四體遺勞事農功意尚關

仁壽山水軒即事

護檻疎松露碧漪朝暉倒射讀書幃一聲撲漉知何物俯

看爭魚鷺鷓飛

題畫

睡鴨夢難成寒江冰鎖水數振雙翼雪片片來不止

又

暑行方卸鞍呼僕飲吾馬渴吻赴槽泉噴珠亂自灑

辛卯仲冬過仁壽山巒時白水大夫在東郊令郎子

魚居寮中作此呈子魚兼寄大夫十二韻

山巒初下轎舊識吏虔迎松檟知逾茂軒窗覺更明樹人
諳我嗜膳味等君羹愧辱慙慙遇無酬宿昔情吾心憂跋
涉乃志育莪菁來往常靡盬暴寒寧有菊孫僑論學製葛

山陽遺集卷六
亮誠研精喜此芝蘭長堪期緒業成父風能下士子曾卜
安岷恐眩裘茸說難任柱石擎於經識大者其事殊諸生
他日贊長策及今親短檠詩書養根本橋梓疊滋榮質向
歸旛日當知此語誠

山校與管野高橋二子夜坐

講惟客漸散相留共燈燭夜闌更煮茗波濤起鼎腹英髦
豈無多不若故交熟細談廿年前其事在心目趨庭教同
受御車游追逐老成久已逝我髮亦各白相勉追典刑心
長歲月蹙

入攝

凍雨連南海寒雲失攝山如何歲月暮猶在道途間生理
老妻手別愁慈母顏泥濘武州墓下轎淚潛潛

又

念家寧憚路程脩還到山陽欲盡頭嶺雪遙明河內地人
煙漸密攝津州市聲忙覺窮陰日米價低知列國秋老母
在鄉兒在役歸來吾未廢閑愁

到坂晤承弼

未見妻兒面覲君同此歡到家隔一夕來書審平安信宿
盡咲語奴婢皆慣看開囊出吟草蕪穢借芟刪獨雄伴群
雌何以鞭鴛頭與君相切劘垂老猶革顏未孰何必說道

義夙所難

到京

夜來浪華船朝著伏水磯寒日破朝霧郊樹塔參差廿年
寄家室自忘是天涯旬前發書報歸期家豫知喜到楊柳
店來迎九齡兒薄遊今幾日髻髮已垂垂憶我如渠年迎
爺自役歸飄蕩不報德西望長歎唏

題畫

雲煙滂勃初收雨水墨清華未歷霜一派墨心傳那處依
稀當日老香光

海嶽腸

無牙萬鼠還生翼聲價飛騰去向唐留得九迴腸在此一
迴併得一杯長

送含公西歸二首

吾還君往奈君何熟路佳期千里差記取秦州霜曉處與
君停轎折梅花

一日三秋更奈何囑君莫使後期差從今節物誰俱看閱
自梅花到菊花

贛齋小飲時春琴新歸自越分得山字

梅花映酒燭光闌談咲逢君自北還臘雪壓檐天若墨茫
茫何處越中山

除夕寄協

故園鶴髮又加年
鴨水霞關竝各天
三處相思汝尤遠
寒燈應獨不成眠

山陽遺稿卷之六 畢

山陽遺稿卷之七

賴襄 子成著

壬辰

元日

櫻邸將明已倒衣
萱闈過午未持危
迎春今歲多心緒
西憶阿孃東憶兒

題畫富士

自別芙蓉三十年
空於圖畫辨雲煙
再會盪胸當有日
白頭相照兩皤然

和承緒歲暮韻卻寄

瓜代期來汝未還可憐回首路漫漫晚歸每怕鐵門限夜
飲何看銀燭乾官牒下時名字杳家書到處夢魂安寄與
熟衣吾有意岳雪滿城增暮寒

與河村士郁別

餘興牽君過小齋呼燈吹火看瓶梅本欲醉中分手去卻
從茶後喚愁來

齋藤實盛

委質新恩襲賜衣送頭舊部變衰姿旦星雪鬢能還黑難
奈冰心涅不緇

題竹田畫為其男太一太一遠遊久不歸

老梅蟠屈亞疎枝鳴鶴在陰雄與雌應望孤雛游未返湖
雲春水影迷離

題畫

潭水生雲氣前峯半有無慙休溪樹底愛看雨跳珠

瑞香

瑞香花發對前除置酒清宵意有餘微醉唯聞香滿地和
月影兩模糊

壽瀧原翁六十賦得松契遐齡

釋松已作龍鱗老采藥方逢華甲周醉向翠陰高枕臥濤
聲終日和齁齁

下江過高觀訪藤井強哉

舍艇尋朋漢水陽
夜穿城樹到君堂
環墻竹色借官綠
栽圃菊苗分野黃
耽趣朝參休說懶
偷閑書味故應長
鯉魚肥大萼絲嫩
侑醉將忘上去航

壬辰五月八日赴彥根田舜卿之招信侯送至大津

翌早分手

酒醒湖樓便上船
殘星半落曉無雲
江城回首真如畫
不憶玄暉卻憶君

舟中作

平湖萬頃是琵琶
一幅蒲帆翦綠波
他日匙頭幾經涉
如

今槽腹闊邊過

望彥根懷舜卿

認得江城似畫圖
促搖雙櫓度長湖
洋洋什倍黃河水
竚我舜華好在無

維舟薩摩村訪中川祿郎

湖岸認君宅
日晡維我船
階除迎莞爾
花竹亦欣然
玉屑膾鮮鯉
銀絲羹嫩萼
交情何所似
戶外水如天

又

卷心未展芭蕉葉
重瓣方開芍藥花
更有廚中蠶豆飯
清和時節宿君家

彥根

雄藩形勢控湖關，有客觀光一往還。
積水橫包幾內地，浮雲斜指越前山。
四疆魚稻豐饒處，百雉城樓縹緲間。
難獲鄴侯兼戰績，渠魁廢址不違顏。

疊韻呈舜卿

鷗盟鷄列兩心關，來及干旌賜告還。
重訂交情淡於水，強排簿領積如山。
南堂籌策繭絲外，形勝江湖襟帶閒。
置醴何能補分寸，日支醉頰對孱顏。

同梁星岳泛遊舜卿之舉也

昨日遊外湖，今日遊裏湖。西湖夾城放舟好，時杙柳根斫

湖魚主人多情謀娛客，獨牽襲美伴老陸。盡日茶竈對筆牀，欲詠漁具才不副。竹籟荻籬殘照紫，昨遊村落阿那是。黃昏入城水煙閒，傳呼津吏啓水關。

又

倒影湖城落碧灣，隔湖諸嶺夕霞閒。最遙一點如螺髻，是我東軒所指山。

用茶翁舊題詩韻

柔櫓遙追倦鳥飛，外湖遊罷裏湖歸。題詩輸與茶翁好，空看江城帶落暉。

泛舟金龜山下，外佐和墟作歌

山陰道中
金龜曳尾太湖水，背負層城百雉起。越山若山倒影來，漕
帆直到萬家市。勲舊藩維功第一，庚子之事策誰決。東指
騰岳雲蒼莽，關原在彼事可說。對峙一壑隔清波，渠魁所
窟猶哈呀。廉惡熊羆互相代，寵幸起跡卻同科。天賜國材
各因類，短狐寧敵赤夜叉。想見入封整鎧仗，戰血未乾蒸
腥霞。吾甲在心赤更赤，湖波映出太平色。

舜卿裝舟送我二首

十日雷聲跡已陳，漣漪落照對孤斟。一瓢猶是君家酒，萬

尺清湖送我心。

萬尺清湖一作湖水何如

舵牙不見金龜山，別恨茫茫櫓響聞。一葦京城非遠別，志

君移跡向東關。

泊於幾隲

避風入湖罌，繫舟蔭林樾。數家依厓住，汲路泥常滑。上岸
借一枕，舟中苦蚊齧。浹旬滯藩城，紗帳申佔畢。不如漁父
家，漁燈鱗吾舄。

堅田

麥畝漁莊隔岸呼，晴波一束似葫蘆。平生漫讀天正記，始
信濃軍飛渡湖。

歸舟口占時是月二十日也

大畝小畝宿雲間，群仙曉未整煙鬟。朝烟褪處菱花現，始

見湖南舊識山

到家

薄游十日到吾廬，新笋成筠荷葉舒。命酒綠陰呼婦子，箬包半脫出湖魚。一作小荷展葉笋成筠，偶爾離家已浹旬。命酒綠陰呼婦子，箬包半脫出湖鱗。

患咳血戲作歌

吾有二腔血，其色正赤，其性熱，不能瀝之明主前，赤光燦向，庶堂微，又不能濺之國家難，留痕大地，碧弗滅，鬱積徒成磊塊，凝欲吐不吐，中逾熱，一旦喀出，學李賀難收糝，地紅玉屑，或曰先生閱史，遭姦雄，寃天罰，睢陽之齒，輒嚼齧，渠無寸傷，已自殘，憤懣遂致肺肝裂，或曰先生殺人手，無

鍊發奸，趨伏由筆舌，以心誅心，人不知，靈臺冥冥，瀕陰血，吾聞此語，兩未領，童子進曰：走意別，先生肉中本無血，腹中奇字僅可剝，賺得杜康爭載酒，劍菱如劍岳，雪雪大福藏，府受不起，溢為赤，黎戒饕餮，咄哉此意，慎勿說。

喜士海攜贈荷花

翦來兩朶白蓮花，白照黃昏玉無瑕。穿盡九街香不散，併將月色到吾家。

寄懷士錦在江戶

桑梓擔憂獨遠征，况逢早魃正三庚。幾旬桂玉依人熱，滿地沙塵逐馬聲。久望月從星有驗，無如天與水違行。括囊

紙作歸來計百個青山潑眼明

喜世張來問疾時壬辰八月四日炎曠猶甚而是夕
得快雨

溯江看我病犯暑見君情命浴洗炎垢呼尊乘晚清雨聲
環座到電影照杯明老子雖醒眼豪談共燭檠

題畫

菡萏房殘無墜粉石榴皮老有潮紅階前吹颺衰楊葉白
露爲霜是此風

寄題金谷烏洲吞山樓

妙義如荆浩武甲似郭熙叢山帶雨成虎兒榛山經霜類

天嶽不獨此樓吞連山主人胸貯邱壑奇吾亦東遊閱羣
玉觀圖彷彿猶在目何時左折水莊驛呼渡烏川到君
其對真山論畫山吞山吐山樂忘還

喜寶甫來問疾

自愧文離骨猶存天地間知誰遞羞劇煩汝度湖山浪枕
矢橋渡風輿逢阪關老夫唯有淚相見未開顏

重陽

山妻買菊對牀斜知是重陽到我家一病因循猶不死今
年又及看黃花

與敬所翁話別二首

山陽道和卷一

病遇重陽意不堪羨君側帽向天南黃花老日當歸到未
死猶能抵掌談

暮年邇覺知音重篤疾殊知分手難獨有精神永不死時
於書卷數相觀

與星岳話別

燈在黃花夜欲分明朝去躡信別雲一壺酒竭姑休起垂
死病中還別君

九月十一日夜即事

苦雨連重九淋浪不暫已不眠愁夜長點滴聞盈耳今秋
早魃虐秋稼幸不死反施以此霖恐腐堅好索夜半大風

來如萬騎伏起雨勢頗支撐鏖戰終披鏖警若楚救趙呼
聲動壁壘又若昆陽戰雨點襟亂矢天意開民物病夫心
亦喜善惡有勝負世運時彼此欬枕候曉霽隙光在窻紙

喜小竹來問疾

喜聞吾友聲力疾咲相迎篋裡出新著病來成課程丈夫
知已在生死向前行有酒君姑住休嫌不共觥

山陽道和卷一

山陽遺稿卷七畢

山陽遺稿拾遺

春日客懷

閭門春盡落花紅欲問鄉書望過鴻
百事無成親已老等閑三十一春風

九日作時家弟新甫東行

黃菊花開葦水濱阿連何處過佳辰
家庭今日應蕭索不獨茱萸少一人

廉塾雜詩

鄉隣相喚賀西成吾亦徜徉寫客情
秋圃日暄生菊氣午林風定起禽聲
山從落葉盡時見水向斜陽沒處明
素食

周年何所就自知絃誦讓耘耕

遊嵐山

香風滿袖入城來背指西山暖雪堆折去一枝插雲鬢使
人知道看花回

與木村雀卿看月於聖護林時雀卿將西歸

山影微茫蒼際橫松聲蟲語管離情勿忘秋半同爲客聖
護林中看月明

遊北濃

秋溪水落見溪身老柏高楓映石皴兩個渡航小於葉前
舟載犢後舟人

郡上

貪勝滾尋三楚州岐城路折泝溪流民田壘石常防虜官
道停輿頻避牛巧築市廛依絕壑平分桑楮種高疇北風
時送白山雪雪蔽晴空來屋頭

歸由舟路

來時重繭度嶙峋歸就舟程岐阜津短艣楸頭蓬一尺積
薪缺處恰容人

長島後墨梅四面皆名士題語索至於余

落墨花邊爭著詩銀鈎鐵畫繞冰肌看來無地容疎影荆
棘叢中玉一枝

庭櫻盛開招景文伯舉元瑞

依微新月浸春莎置酒前除夜不譁坐久前庭樹陰轉呼
姬移燭近簷花

題岸越前介梅花

老岸作老梅老氣逼人來雖無穠艷態自爲百花魁

關羽圖

漢水樓船氣勢豪何圖肘腋起風濤恨君不盡屠吳狗負
個平生偃月刀

題富山圖

頽然戴白一峯高群嶺欲冠又拂髦知是丈人閑壽宴當

將東海釀葡萄酒

小喬

一卷龍韜沉粉香登樓不必望垂楊細腰未慣桃花馬唯
禱東風便阿郎

同景文伯舉賞月湖上

群峯鬢髻簇青螺幾樣舣推嬌態多忽被蒼烟抹殺了碧
瑠璃上出嫦娥

題大舍師墨蘭

磁斗曾栽玉幾莖客窻風雨每關情輸君橐裡一螺墨密
葉疎花隨處生

紙春勝圖

對對相傳閱幾春丹青眉目陟釐身不如世態薄於紙朝
作夫妻昏路人

入豐前

漁市依沙大內亭譙樓扼海小倉城青鞋始踏鎮西地二
鳴九州從是行

博臺帶歌謝松永子登惠帶

機聲扎扎夾街鳴博臺織帶舊聞名隱起翠紋龍脊直傍
排素線鷺韻明一胯萬錢非虛價縷縷幾日織得成君不
見神后今晚此返旆誤向海中遺擊帶化為綠洲約層波

萬松縈沙煙曉藹依樣創工宜擅長從佗窺伺費狡獪長
為美人束腰文又歸貴介挂魚龜因君今日縛逢腋裁縫
戒婦度腰圍緩就太倉非吾事唯恐詩瘦孔屢移應每結
檜憶遊跡身邊縮得海山碧

宿宰府留別松永子登上村太壽

小市淒涼燈火明旅旣飯香雜沙塵浴罷呼枕臥且語誰
是行人誰送人一夜謹咲驚逆旅豫怕別時悄傷神明朝
各自踰山坂駐杖望吾吾已遠

到荷從行後藤世張東還省母病賦此為別

津城剪燈火細語夜把卮千里相提挈一日忽化離雪蓬

漢水上雨叢筑山陸寓居杯更洗旅館飯共炊從後時穿
眼追及復解頤執杖誼已盡陟記情可思促汝治行李東
首臨路岐回顧曾歷地雲山何邈迤逡巡未為發念余獨
留茲吾恐涉暑路毀傷汝膚肌慎勿貪程頓舟輿從所宜
屈指幾旬外欣奔拜萱帷過洛見家室平安煩報知余游
亦已倦季秋以為期握手鴨水上當共話此時

在赤關得一佳紙欲用作畫未成而發卷在于囊時
出點染至此乃成

硯海偷閑畫半成齋來瓊浦筆方停筑峰豐嶺迎還送筐
裡青山未了青

將發研港了諸受託書畫拈拈數日賦此自嘲

客窗作字墨頻乾自咲閑身終未閑晚際研坳餘瀋在又
將渴筆寫秋山

北渡再投廣江氏

人烟萬戶擁潮橫遙認君家高樹明未繫歸舟心已醉預
知家釀待吾傾

為女玉蘊題其所弄古鏡

背文綠鏤雜珠斑猶覺銅光照膽寒一段傷心誰得識凝
塵影裡舞孤鸞

湖秦水

山陽先生遺稿卷之四
密竹疎楊壓岸坳短蓬數數拂低梢飽看左右青山好一
任沙灘舟數膠

松山

隔岸簷牆閃夕陽傾壺沙際綠苔香秋溪一半青山影分
付遊人納晚涼

下曦水

瓜皮一瓣剪盤渦兩岸爭迎幾翠螺寄語舟人徐刺棹好
山可惜瞥然過

岡山夜遊

積薪堆畔倚胡牀月黑依稀認宿檣前岸知佗人未寐樓

燈落水幾條長

閏春初三日雪諸友來訪

擁衾宿醉未全醒臥聽低檐崩雪聲個裏非君來喚起小
樓閑卻此朝晴

題畫

密樹礙斜陽夾溪嵐翠冷馬過橋背來忽見鞭絲影

元日

光陰意緒兩奔馳纔喚春時覺漏遲酒罷呼燈無個事帶
將殘醉又觀碁

移居

鋤荒栽樹汗沾衣，稍覺園容綠四圍。
更慮南籬春寂寞，又乘疎雨插薔薇。

墨池熱際動乾枯，須趁晨涼喚筆奴。
手汲井華供洗研，平分付與石菖蒲。

一雨新涼欲透衣，怪吾園桂著花遲。
西窗掃研了書債，便有幽香襲隄。

題雲泉画山水

八面玲瓏盡是梅，詩脾知不貯纖埃。
有時洗研門前水，一種幽香雜麝煤。

遊札林

潺湲水石映涼棚，殘照全消暗綠層。
要着晚流金破碎，未收杯去又呼燈。

謝小石元瑞贈盆栽碧花

縛籬仡仡種牽牛，未看長鬚弄綠柔。
矮本大花誰割愛，付吾早領一盆秋。

元日

早被妻兒喚起眠，熹微初日到窗邊。
硯差解凍堪書句，梅未開花已帶烟。
暖晚應因春有閨，曆新便覺日如年。
病夫也自情懷好，未夕團樂開酒筵。

春風翁新築別業寄題二首

首海舊餘地，有山新築亭。穿渠引潮水，栽樹役離丁。吟放
蟹逃匿，獨眠鷗喚醒。何時攜小阮，談咲侍傾瓶。
閑遊攜筆研，留宿有庖廚。盤錯煨紅鬣，階苔養綠鬚。題詩
皆骨肉，行酒或僮奴。遙料稚孤長，能從杖策無。

使又兒齋梅往贈信侯賦此爲副

老稌抽得一條枝，枝稚春寒花發遲。遣侍君家讀書帳，溫
存應有吐芳時。

上巳

乍晴溪水漲新種，野桃開濁酒同誰酌。佳辰有客來暮橋，
人影小春岸柳烟堆俯仰成。陳跡請君姑盡杯。

同鄉客至冒雨其遊沙河

春泥猶杖屐，野店亦杯觥。適遇同鄉客，何期異日晴。禽聲
重環滑，花色濕逾明。歸到逢親舊，狂在夫唯醉生。

楊震三魚圖

誤值三鱸示，端處苦調九鼎沸。羹年玄孫他日爲魚肉，又
到曹家刀俎邊。

題畫

林巒分水色，一堤可來往。茅屋住兩頭，書聲迭傳響。應是
素心人，卜鄰占境爽。麥飯時相招，飯罷又放杖。夕陽滿堤
紅，行談且抵掌。顧笑堤波中，帽影自兩兩。

同君彞遊嵐山宿一僧寺

不得航船花底歡君來嵐峽已春闌鬢絲非復揚州舊留
個霜楓且共看

題三香圖高李迪有此詩因用其語

侵鞞胡塵隔洛陽羅浮湘水路空長春風吹遍江南信始
見離魂一本香

虎

人間陷穽咲渠撓睡足岳坳山月高不敢措瘁搖草木恐
侘百獸漫奔逃

今春迎母京寓屬親信舟護而來歲之津上浹旬阻

風雨不時至

帆席迢迢迎母來板輿準擬看花回餘寒願得西風峭使
母早來花魁開

奉母潮淀

展聲喧蓬上過橋已離城繹路徑黃菜舟人魚貫行時過
綠揚岸縮首避枝橫漸見城州山迎人得眼明千里迎母
到今日始入京行廚謀友辨一瓢膝前傾洗杯長流水慈
顏方暢榮同舟喧咲語誰知母子情

揚井孫太郎扈其疾入封池五山有送詩依韻為贈

揚新喪父

山陽先生遺稿卷之十
誓御賢勞雖處囊錦歸回首六炎涼戒輿曉驛裳衣倒導
戟薰風號帶香駕入舊封羣指目衛隨新隊見榮光兩朝
世美傳佳譽誰識皋魚感獨長

古車釭歌為田飛州作

轂端之鐵名曰釭環中受軸虛其腔轂腐軸朽釭獨存觀
者不識語紛囁田君所獲鐵色老銘曰文安四年造鏞紋
斑剝見脂痕把玩懷古真可寶當時大亂始萌芽兩義爭
轡相傾斜爾來萬輪動旁午欲問汝釭在誰車或載傲狠
惡左府數夕新院必見取或從悍厲高平太當其著屐未
相賴典厩記榮曾繫鞭汝或幹事侍控弦攝政遭暴曾折

軾汝或當危患偏仄後來或就旭將軍不習用汝勞汝筋
倒載濫呼牛兒笑汝聲嘔軋不可聞一自庸材當鈞軸每
使中原鬧長轂華軒乘霍急何用朽索馭馬悍難服大若
無軌納萬民南轅之駕不再復八輛載馘鬪犬猿海內宛
如脫轂輻幾度兵燹陵谷新不從馬蹄碎為塵古董混陳
平安市忽逢好事換錢緡倩工補當用盛筆硯席長儔太
平人釭兮兮汝視幾顛跌輪殷血欽汝虛心閱興滅
發尾路諸子送至今津

同雲漠漠裏朝駁相送村場且對尊自有交情滾似雪未
歎鴻爪不留痕

鐘馗騎馬圖

馬上藍袍認阿馗腥風掣電去何之舉鞭應赴三卽急方
是延秋烏噪時

下定

奉母攜兒幾往還一江不改舊潺湲生離死別無窮恨寄
在篙聲篷影間

誘承弼南遊戲作

南遊過拉君欲出還首鼠留吾呼別酒吾望君出租墨水
旗店好文蛤侑綠醕豪來意前卻暗以指畫吐棄其醉未
醒相挽赴界浦且照一宿枕酒醒忽獨語雖歡友侶牽亦

恐妻孥咻擲枕決歸計披衣已五鼓滿室方齟齬匍匐行
出戶店婆怪其狀大聲呼同侶不知操觚朋認爲擔囊虜
擅公策雖上孟嘗計何補圍擁謀而行圖南終連羽北轅
縱能遂獨行苦踽踽無伴且無酒如兒奪哺乳團團戀爾
餌同隊止跋扈擾狎騎神龍羅網狎猛虎頭不回千駟身
豈贖五殺誰知故人臂一牽勝圭組

詩僧可山寓三條子橋招余許飲

坐閱憧憧來往饒小樓簾影水中搖道人心地無喧寂
住三條第二橋

棕隱僦居北鄰見贈長律姑酬以一斷句

山陽先生遺稿拾遺
快書隔樹和朝誦濁酒過墻同夕醺鴨岸斜陽叡峰月
將一半與君分

山碕枉路過尺大村寺痴禪師

路傍溪流幾曲斜林間明滅觀長蛇禪房定在源頭處當
倩軍持汲煮茶

攝路書感

雙墳相望萬年愁右是河州左武州家國恩濼兩未報經
過此路廿餘秋

懈坂在赤石城西赤松滿祐禦京軍于此克之滿祐
短身曰三尺入道山名宗全色赤曰赤入道滿

祐殺普廣氏時以
懈至鷓鴣詞為期

懈子城頭稍稭馨憶昔兇豎曾橫行矮軀睥目是蟹耳時
無英雄成渠名猶有緒公撞巢穴介甲摧破從醢烹嘉吉
正閑應仁戶前殪封狼後翼虎卻記赤松扶大樹根株相
託呼為父子孫相剪天數存酷類賈家滅典午鯨吐鼈擲
四海沸不唯當日鷓鴣舞

題畫

石寒葉落雲林畫天大江明山谷詩筆墨何邊觀真訣第
枝是處有餘師

宴於杏坪叔水莊疊去歲唱和韻

小樓向翹鴨鳧啼出飲重遭大阮攜林隔市聲街面背簷

連橋影水東西故鄉好景不留脚少日狂心真噬臍親籍
更沾新涕淚吟筵忍看舊顏題

扁字春風
仲父書

過廉塾適會十月望得時字限賦內字

月高人影小葉落鶻巢危非有酒魚待如何霜雪時遊從
問疇昔吟嘯亦相知今夜休須睡歸輪半樂悲

別小埜泉藏

港水離情孰淺深漣漪夕照對孤斟一瓢尚是君家酒領
取故人相送心

山陽遺稿拾遺畢大尾

山陽先生行狀

先生姓賴諱襄字子成通稱久太郎號山陽外史入
京又號三十六峰父春水先生諱惟完字千秋藝州
竹原人初寓大阪授徒娶阪處士飯岡氏女以安永
九年庚子生先生於江戶港天明元年辛丑春水先
生應本藩之聘乃徙廣島先生幼銳敏嶄然見頭
角年甫十三春水先生祇役在江戶作詩寄之柴野
博士見之大加歎賞曰千秋有子不教之為實材乃
欲使為詞人乎宜使其讀史知古今事而史自通鑑
綱目始會薩藩文學赤崎元禮歸國過廣嶋諗之先

山陽先生行狀
生感奮日讀綱目然記治亂之大勢而已書法發明
等不屑讀博士聞而益竒之年十八從叔父杏坪翁
東游在尾藤博士塾一年而歸才學日進然以多病
免仕藉有二弟皆夭一妹適藩士某春水先生乃養
仲弟千齡子元鼎為嗣文化七年庚午管茶山翁請
督其塾生乃游備後明年辛未去游京師遂止焉時
年三十二僑居車屋街徙于銅駝坊于木屋街文化
十三年丙子二月聞春水先生疾篤時聚徒講莊子
投卷即發晨夜赴之自京及廣島殆百里晝夜而
至至則蔑及遺憾不能自置自是終身不復講莊子

前此元鼎亦早世先生在廣嶋娶藩士御園氏女生
元協有故去於是元協以嫡孫承祖文政元年戊寅
二月春水先生大祥忌歸展于廣島喪除遂游鎮西
從豐筑入肥留長崎二月強南極薩隅明年春歸廣
島奉母夫人入京侍遊芳塾寧樂諸勝秋送至廣島
爾後西省無虛歲後數迎之侍游伊勢及琵琶湖等
先生既客寓治家儉素不妄費一錢然其迎母夫人
不問有無務奉懽心一日侍游島原登一大酒樓召
妓樂侑酒朱觥銀盤盡其豐美從行婢見之愕然竊
引先生袖曰阿主囊中物足以償之乎蓋先生以去

國闕定省、深自悔恨、欲報罔極之萬一、而春水先生
既逝、故欲報之母夫人也、六年癸未、買家三本木、稱
水西莊、庭中雜植梅花竹樹、扶疎爲蔭、置一小草堂
臨鴨水、對東山、稱山紫水明處、春花秋葉之候、皆可
坐高知焉、候至、輒攜童佩瓢、飄然出游、其陀近畿、名
勝古跡、游屐殆遍、其游不預期、興至即往、天保元年
庚寅、患胸痛、久而愈、三年壬辰、六月十二日、忽發咳
嗽、咯血、醫曰、是積年勞神所致、所謂肺血疾、不可治
也、先生豪傑、不怖死、故敢以實告、一醫曰、猶可療矣、
先生曰、死生有命、然我上有老母、且志業未成、假令

無一生理、宜加醫療、我慎服藥、傍爲死計耳、時方著
日本政記、乃日夜勉強構稿、曰、我必欲成之、而入地、
及秋、疾益劇、慮母夫人憂之、戒家人使勿告、唯報以
微恙、可尋愈、往復書牘、勉強執筆、如平常、自始病、禁
酒不飲、而客至、爲設筵、談笑自若、病既革、曰、我死方
通矣、然猶著眼鏡、手政記、剛潤不止、忽顧左右曰、且
勿喧、我將假寐、乃閣筆、不脫眼鏡、而瞑、就撫之、則已
逝矣、實九月二十三日也、享年五十三、葬于東山長
樂寺、先生入京、娶小石氏、近江人、生三男、曰辰之助、
天曰、又二郎、時甫十歲、曰三木三郎、七歲、一女三歲、

所著日本外史二十二卷、日本政記十五卷、通議二卷、春秋講義若干卷、先友錄一卷、文集十卷、書後題跋四卷、日本樂府一卷、詩鈔八卷、同遺稿八卷、外史之成、凡經二十年、既成、猶祕之家、白河少將樂翁公聞之、卑禮厚幣以請之、自是遂行于世、政記最晚年之作、記事多成于病中、而終不得全脫稿也、先生為人癯瘦、顴高眉、蹙眼采炯炯、望之有威、性峻峭、不能包容尋常之人、常慨昇平日久、士氣不振、故以氣節自持、亦以導人、未嘗屈已隨人、浮沈求容、其去國誓曰、已不能仕父母之國、不復著朝服、見貴人在備後、

茶山翁嘗欲薦之我藩、師作書辭之、入京後、每聞國侯朝江戶、往來過伏見、必著袴、南嚮望拜、諸藩多聘之、皆固辭不應、日野大納言公資愛好文辭、時招都下諸儒為文字飲、聞其名請之、不往、其請至數四、乃陳野人不習禮節、若許野服出入、及賜予之際、無類臣禮者、則敢奉命、且言魚非琵琶湖之鮮、不能喫、酒非伊丹之釀、不能飲、公皆許之、乃往、翌日餽金以為謝、先生見之曰、豈有禮幣而小書低書人名、自大署高署己名者、命塾生後藤機卻之、公從而謝之、益敬其不屈、至終訪其廬、諸儒中有議其倨慢者、先生聞之、

山陽先生集
作書辭赴宴爾後獨召賜宴醉後時戲爲畫一大藩
侯見而喜之介人寄朝鮮布二幅請畫焉先生怒曰
以我爲畫師乎乃作二絕句大書其布返之其一曰
曾謝橫經弄翰儒寧能餘技備觀娛胸中畫本猶堪
獻彷彿幽風七月圖有一生請外史師領之後又來
促曰欲獻一權貴焉先生正色曰我史非權門納媚
之具竟不與師才識天授加之勵精不倦甫六歲忽
問母夫人曰天何如物也母曰旋轉不止如彼而已
師遽下庭仰天嘆曰不思議哉啼泣半時許自八九
歲喜讀國字本古今軍記至忘寢食嬉戲又搏土作

城郭軍營狀既受句讀晝夜不懈嘗患眼春水先生
固禁之陰讀不止年十四五受家學小學近思錄皆
已誦習一日因曝書見東坡史論訖曰天地間有如
此可喜之文乎遂肆力文章最精於史學家無藏書
四子五經白文東坡集唐宋八大家文數品本朝史
唯烈祖成績藩翰譜而已而古今史籍制度兵法及
家譜野乘無不涉獵終能成外史政記大著作經說
歸主洛閩而不甚墨守要以通古聖賢立言大義爲
務其議論以適用爲主詩務敘實際不事虛設尤長
於歌行喜咏史雅言曰余不欲詠物咏物不若咏史

史中有無數好題目、隨讀者淺深、皆可成真詩、舍之而曰雁字鶯梭、無為也、書名亦譟、四方爭索、絹素滿室、然是皆緒餘、常用心者、經濟之學也、弱冠後、擬蘇氏策論、作新策十餘篇、晚歲、頗刪潤之、即通議也、先死三日、忽曰、猶有不可不言者在焉、即日草之內廷篇是也、先生名已重於一時、游京者、多來求見、一切謝絕、非不得已、則不見、平生耽讀書、勤著述、常曰、謂我才子、未悉我者也、謂我能刻苦者、真知我矣、日夕置酒草堂、必呼門生對飲、飲有限、限既盈、不過一杯、酒皆伊丹之釀、尤愛號劍菱者、酒醒、輒挑燈讀書、至

五更而後就寢、晝則已牌前起、自收衾裯、掃戶牖、以為常、無寒暑、一也、性好古書畫、頗善賞鑑、所藏十餘幅、書則倪元璐、屠長卿、晝則盛茂暉、趙之璧等也、酒間多談歷史、文章為樂、其病、猪飼敬所翁來訪、談及南北正統事、議大不合、戩時侍病、翁既去、先生曰、苟以北朝為正統、豈以新田楠諸公為亂臣賊子乎、方言之之時、目張眉軒、其慷慨激烈、雖病不衰也、遂更著正統論、置之政記中、初論後、接人不設城府、直吐肝膈、人苟違其意、對面詰責、不少假借、改則止、未嘗毫介意、教門生、甚用意、講書、不抗聲飾辯、恂恂如談

話倦則吹烟喫茶必摘發蘊奧剖析妙旨使人人了
然而後止講經之席不肖列繙徒門生詩文有少可
觀者嗟稱不置曰使我為之亦不過如此雖甚拙之
文改刪數四如其意而止戩從學僅二歲而先生厭
世慟哭無及乃輯錄平生所聞見及問同門友所得
草此狀嗟戩謏劣何能狀先生且所遺必多若其詳
備則俟元協及高足弟子述焉先生將死門人大雅
堂義亮能畫請寫其真自題其上曰身偃仰一室而
心關百世之失得不恤已鹽齏而憂人家國嗟是何
物迂拙男兒耶雖然烏知無念此迂拙者之時乎又

曰此膝不屈於諸侯聊荅

故君之德此眼竭之於群藉不虛先人之囑此脚侍母
輿二躋芳山三踔大湖四上下漠灣而未嘗踵朱頓
之門此口不飴殘杯冷炙而此手欲援黔黎之寒餓
也嗚呼先生之為人與所志盡於此矣固莫待戩輩
之言也門人備後江木戩謹狀

